



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

« 13 » մայիսի 2021թ.

Ո Ր Ո Շ ՈՒ Մ No. 763/03-Ա

Չկատարված հարկային և դրոշմանիշային վճարի պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով «ԿԻԱ ՄՈԹՈՐՍ ԱՐՄԵՆԻԱ» ՓԲԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների, ինչպես նաև եկամտային հարկի և սոցիալական վճարի ամսական հաշվարկների «ԿԻԱ ՄՈԹՈՐՍ ԱՐՄԵՆԻԱ» ՓԲԸ-ի (ՀՎՀՀ 01563753, հասցե՝ ք. Երևան, Սայաթ-Նովա փ. 19, պետ. գրանցման համարը՝ 273.120.04920) նկատմամբ 22.04.2021 թվականին հարուցված վարչական վարույթի շրջանակներում գանձման ենթակա պարտավորությունը կազմում է 3.855.420 դրամ, որից ապառք՝ 2.610.754 դրամ, այդ թվում դրոշմանիշային վճար՝ 7.000 դրամ, տույժ՝ 1.244.666 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին հարկ վճարողը պատշաճ կերպով ծանուցվել է, սակայն չի ներկայացրել վարույթի նյութերին ծանոթանալու համար և որևէ բացատրություն չի տվել:

ՀՀ ՊԵԿ իրավաբանական վարչության պետի կողմից 14.04.2017 թվականին կայացվել է չկատարված հարկային պարտավորությունները գանձելու մասին թիվ 1927/03-Ա որոշում, որից ենթակա է գանձման եկամտային հարկի գծով՝ 247.925 դրամ, որից ապառք՝ 172.782 դրամ, տույժ՝ 75.143 դրամ, ԱԱՀ-ի գծով՝ 14.710 դրամ, որից ապառք՝ 4060 դրամ, տույժ՝ 10.650 դրամ, սոցիալական վճար /ամսական/՝ 18.872 դրամ, որից ապառք՝ 13.950 դրամ, տույժ՝ 4922 դրամ:

ՀՀ ՊԵԿ իրավաբանական վարչության պետի կողմից 25.08.2017 թվականին կայացվել է հարկ վճարողից ժամանակին չվճարված հարկային մարմնի կողմից վերահսկվող եկամուտների գծով վճարման ենթակա գումարը գանձելու մասին թիվ 1042/03 որոշում, որից ենթակա է գանձման 732.407 դրամ, որից ԱԱՀ-ի գծով տույժ՝ 4465 դրամ, պետական տուրքի գծով՝ 665.700 դրամ, որից ապառք՝ 600.000 դրամ, տույժ՝ 65.700 դրամ, եկամտային հարկի գծով՝ 57.285 դրամ, որից ապառք՝ 11.712 դրամ, տույժ՝ 45.573 դրամ, սոցիալական վճար /ամսական/՝ 4957 դրամ, որից ապառք՝ 1250 դրամ, տույժ՝ 3707 դրամ:

ՀՀ ՊԵԿ իրավաբանական վարչության պետի կողմից 04.02.2020 թվականին կայացվել է չկատարված հարկային պարտավորությունները գանձելու մասին թիվ 27944-3-Ա որոշում՝ պետական տուրքի գծով 600.000 դրամ գանձելու վերաբերյալ:

ՀՀ ՊԵԿ իրավաբանական վարչության պետի կողմից 02.02.2021 թվականին կայացվել է չկատարված հարկային պարտավորությունները գանձելու մասին թիվ 41152-3-Ա որոշում՝ պետական տուրքի գծով 698.550 դրամ գանձելու վերաբերյալ:

Արդյունքում սույն որոշմամբ գանձման ենթակա օրենքով սահմանված ժամկետում չկատարված պարտավորությունը կազմում է 1.542.956 դրամ, որից՝

պետական տուրքի գծով պարտավորությունը կազմում է 1.535.956 դրամ, որից ապառք՝ 600.000 դրամ, տույժ՝ 935.956 դրամ, որն առաջացել է 2018թ. պետական տուրքի տարեկան հաշվարկից և «Պետական տուրքի մասին» ՀՀ օրենքի 35-րդ հոդվածի համաձայն հաշվարկված տույժերից,

դրոշմանիշային վճարի գծով պարտավորությունը կազմում է 7000 դրամ, որն առաջացել է 2017թ. փետրվար-հունիս ամիսների համար ներկայացված եկամտային հարկի և սոցիալական վճարի ամսական հաշվարկներից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

Սույն որոշումն ուժի մեջ մտնելուց հետո մեկ աշխատանքային օրվա ընթացքում հարկային պարտավորությունների վճարման անհնարինության վերաբերյալ բավարար ապացույցներ ներկայացվելու դեպքում, եթե դրանք ՀՀ պետական եկամուտների կոմիտեի կողմից կհամարվեն հիմնավոր, հարկային մարմինը ՀՀ հարկային օրենսգրքով սահմանված արգելադրման գործընթաց չի իրականացնի:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, «Հարկային ծառայության մասին» ՀՀ օրենքի 4-րդ հոդվածի 6-րդ մասով, «Հայաստանի Հանրապետության պաշտպանության ժամանակ զինծառայողների կյանքին կամ առողջությանը պատճառված վնասների հատուցման մասին» ՀՀ օրենքի 13, 14, 15 հոդվածներով, «Պետական տուրքի մասին» ՀՀ օրենքի 35-րդ և «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. «ԿԻԱ ՄՈԹՈՐՍ ԱՐՄԵՆԻԱ» ՓԲԸ-ից գանձել 1.542.956 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն «Վարչարարության հիմունքների և վարչական վարույթի մասին» ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄԱՅԱԿԱՆՅԱՆ